

HITZ BITAN

TXIRRINDULARITZA. 200 bazkide ditu dagoeneko

Zazpiak Bat elkarteak topaleku izan nahi du Euskal Herriko zikloturistentzat

Edurne Elizondo | LESAKA

Euskal Herriko zikloturistek badute non bat egin: Zazpiak Bat elkartearen. Duela urtebete jarri zen martxan, eta, oraingoz, 200 kide biltzen ditu. Atzo jendarean aurkeztu zuen bere burua elkarte berriak, Lesakan, bizikletazale guztiei bat egiteko deia zabaltzeko. Interneten izen bereko web gunea (www.zazpiakbat.com) zabaldu du taldeak, haren bidez nahi duen orok elkartarekin bat egin dezan.

Atzoko agerraldian elkartea sortu duten bazkideetako batzuek parte hartu zuten, tartean Bernardo Mandaluniz bizkaitarrak. «Euskal Herri osoko zaleak bildu gara», azaldu zuen, eta denek hainbat ezaugarri komun badituztela azpimarratu zuen: «Gure herriarekiko sentimendua, eta euskara, gure artean komunikatu ahal izateko». Euskal Herria eta euskara abiapuntutzat hartuta, bizikletari esker Euskal Herria ezagutzea, eta he-

ESANAK

BERNARDO MANDALUNIZ
(Zazpiak Bat elkartearen kidea)

«Zaletasunak, herriarekiko sentimenduak eta euskarak batzen gaitu»

«Elkartzea eta ongi pasatzea da helburua; lehiaketa ez zaigu interesatzen»

«Euskal Herri osoko zaleak bildu gara; denentzat dago zabalik elkartea»

rritarren arteko harremana bultzatzea da zikloturisten elkarte berriaren helburu nagusietako bat.



GARI GARAIALDE / ARGAZKI PRESS

Zazpiak Bat elkartearen sortu duten bazkideetako batzuek Lesakan egin zuten agerraldia, atzo.

Kirol arloari dagokionez, beren web gunearen bitartez dagoeneko Euskal Herrian egiteko hainbat ibilbideren berri eman dute Zazpiak Bat taldeko kideek. Orrialdeak, halaber, bazkide egiteko aukera ematen du, bai eta elkartea eskaintzen duen aseguruia kontratatzeak aukera ere. Aholkuak eta bestelako argibideak ere eskaintzen ditu web guneak. Halaber, web gu-

nea bisitatzen dutenen proposamenak jasotzeko prest dira Zazpiak Bat elkarteak.

Laster, gainera, dendetan izanen da Zazpiak Bat elkartearen kirol ekipamendu osoa: negukoa eta udakoa, kaskoa barne. Satur Iduretak diseinatu eta Etxe Ondok egin du. «Arropa gure bereizgarri izan dadin nahi dugu», azaldu zuen Mandalunizek, atzo.

Bazkide berriak bildu nahi ditu Zazpiak Batek, proiektua gero eta handiago bilaka dadin. Datorren udaberrirako jaialdia prestatzen ari dira bazkideak eta asmoa dute, halaber, udan zikloturistentzat Euskal Herriko itzuli bat antolatzeko. Mandalunizek azpimarratu zuen xedea «elkartzea eta ondo pasatzea» dela. «Lehiaketa ez zaigu interesatzen», gaineratu zuen.

TENISA. Marat Safin eta Sebastien Grosjean nagusitu ziren lehen jardunaldian



FRANCK FIFE / EPA

Frantziak eta Errusiak garaipen bana dute Davis Kopan

Garaipen banarekin abiatu dute Frantziak eta Errusiak Davis Kopako finala, Parisen. Paul-Henri Mathieuk eta Marat Safinek jokatu zuten atzo finalerako lehenengo partida, eta, espero zen bezala, aparteko arazorik gabe nagusitu zen Safin errusiarra (6-4, 3-6, 6-1 eta 6-4). Bigarren setean izan zuen txakalaldia kenduta, partida biribila jokatu

zuen Safinek (argazkian), eta ez zion aukerarik eman kontrarioari —bere lehen partida zuen atzokoa Mathieuk Davis Kopan—. Jardunaldiko beste partidari, beste horrenbeste gertatu zen, baina alderantziz. Grosjean frantziarrak egurtu zuen Kafelnikov (7-6, 6-3 eta 6-0). Gaur, binaka arituko dira: Escude-Santoro eta Safin-Kafelnikov.

ERRUGBIA

Bidabe hastapenetik ariko da hegalean, gaur, Miarritze-Montferrand ligako norgehiagokan

Top 16 Ligako bederatzigarren jardunaldiko partida jokatu du Miarritzek Montferranden kontra, gaur, Aguilera (15:10, Fr. Canal Plus). Atzo egin zuten miarritzarrek hondarrekotako entrenamendua, eta gibeletako lehenengo, Bidabe kanboarra ezker hegalean ariko da eta Etxeberria ordezko izango da, Fitzgerald, Campo, Puleto, Versailles, Dupuy eta Boussekin. Montferranden, Bory eta Cockerill hasieratik zelairatuko dira.

GOLFA

Olazabal askoz hobeto Hong Kongeko Irekiko bigarren jardunaldian

Herenegun hasiera kaskarra egin zuen arren, erreakzionatu du Jose Maria Olazabalek Hong Kongeko Irekian eta 65 kolperek (4 parrak azpitik) amaitu zuen atzoko jardunaldia. Lehen postuetatik urrutit jarraitzen du, hala ere, gipuzkoarrak. Sei jokalaririk daude lehen postuan eta 30.a da bera.

MUGARRI

Araba Etorbidea, z/g
ARRASATE
Tel.: 943 797 564

Km 00

FOCUS
.....14i - 3 atekoa

FOCUS
.....18 TDi - 3 atekoa

FOCUS
.....16-SW

MONDEO
.....TDi 115 - 4 atekoa(3)

MONDEO
.....TDCI 130 - SW

FIESTA
.....13i - 5 atekoa

FIESTA
.....TDCI - 5 atekoa(2)

DENAK 2002KOAK